

Image not found

<https://lirica.medievalromanza.org/sites/all/themes/business/logo.png>

Lirica Medievale Romanza


Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Lanquan vei la foilla > Tradizione manoscritta > CANZONIERE A > Edizione diplomatica

Edizione diplomatica

image not found

https://letteraturaeuropea.let.uniroma1.it/?q=sites/default/files/styles/330_px/public/A%20%283%29_14.jpg&itok=ViMETD4M



Berma(r)tz deutedorn.

LAn qan uei la fuoilla. ios dels albres
cazer. Cui que pes ni duoilla. Ami deu
bon saber. non crezatz qieu uuoilla. Flor
ni fuoilla uezer. Car uas mi sorgoilla.
So qieu plus uuoill auer. Cor ai q(ue) men
tuoilla. Mas non ai ies poder. Cades cuig
macuoilla. On plus men desesper.


Estraigna nouella. Pot hom demi auzir.
Que qan uei labella. Qem solia acullir.
Caras nomapella. Nim fai uas si uenir.
Lo cors sotz laissella. Men uol de dol par-
tir. Dieus qel mon chaptella. Sil platz
men lais iauzir. Que saisim reuela. Noi
a mas del morir.

Mon ai mais fianssa. En agur ni en sort.
Que bon esp(er)anssa. Ma confondut emort.
Q(ue) tant loing mi lanssa. Labella cui am
fort. Qan li qier samanssa. Cum sieu la-
gues gran tort. Tant nai de pesanssa.
Q(ue) totz men desconort. Mas non fatz sem
blanssa. Cades chant edeport.

Als non sai que dire. Mas mout fatz g(ra)n
follor. Car am ni desire. Del mon la bella-
zor. Ben deuria aucire. Cel canc fetz
mirador. Qand be mo cossire. Non ai ger-
rier peior. Ial iorn q(ue) lais mire. Ni pens de
sa ualor. Non serai iauzire. De lieis ni de
samor.

Ia p(er) drudaria. nomam que nois coue.
p(er)o sil plazia. Qem fezes cal que be. Eu
la iuraria. P(er) lei ep(er)ma fe. Qel bes qem
faria. Non fos saubutz p(er) me. En son pla-
zer sia. Qieu sui asa merce. Sil platz que
maucia. Q(ue)u nomen clam de re.

Ben es dreitz qieu plaigna. Sieu pert p(er)
mon orguoill. La bona compaigna. el so-
latz cauer suoill. petit me gazaigna. Lo



fols arditz qieu cuoill. Car uas mi ses-
traigna. So qieu plus am euuoiill. orgoi
Ils dieus uos fraigna. Caran ploront
miei huoiill. Dreitz es qem sofraigna.
Totz iois qieu eis lom tuoill.

**En contral dampnatge. Ela pena qieu
traï. Ai mon bon usatge. Cades consir de
lai. Orguoill efollatge. Euilania fai.
Qin mou mon coratge. Ni daltrem met
en plai. Car meillor messatge. En tot lo
mon non ai. Emand loill ostatge. En-
tro qieu torn de sai.**

**Dompna mon coratge. Lmeillor amic q(ue)u
ai. Uos man en ostatge. Entro qieu torn
de sai.**

- letto 325 volte